

登科記考卷十

大興徐松

唐肅宗文明武德大聖大宣孝皇帝

至德二載

丁酉

正月上皇下詔曰天下有至孝友悌行著鄉閭堪旌表者郡縣長

官采聽聞奏

舊書本紀

四月八日制曰勅朕聞惟理亂在庶官以先王旁求俊彥思皇多士以倡九牧阜成兆人頃者姦臣執權專利冒寵惟正直是醜惟邪佞是比壅塞賢路罔蔽天聰使忠臣不得盡其謀才士不得展其用廢三載之黜陟寢九德之推擇多有老於郎署滯於邱園吏

稱無人才不給位朕以薄質嗣守大寶寇戎未殄王業惟艱兢兢
乾乾日慎一日緬維堯舜求賢之意周公吐握之義思欲廣進髦
乂輔寧邦家實賴公卿大夫宏我視聽易曰方以類聚語曰舉爾
所知凡宰相王臣宜加搜擇其常參官及郡縣長吏上佐等皆從
厯試而踐通榮如各知其密行異能博學深識才堪濟代術可利
人名不彰聞位不充量湮淪屠釣流落風波者一善可錄便宜公
舉遠則裁表附驛近則進狀奏聞勿避親讐無限儕伍其有獨負
奇才未逢知己卽仰投匭并所在陳狀自論長官登時與奏夫惟
薦士非止一舉永爲恆典有卽登聞昔荀桓子立翟之功士伯受

瓜衍之邑柳下惠賢而不舉臧文仲被竊位之名春秋書之千載

不朽凡百在位可不勉歟宜宣示中外令知朕意

文苑英華

唐

至

九月癸卯廣平王收西京

舊書本紀

十月壬戌廣平王入東京癸亥上自鳳翔還京

舊書本紀

十二月丙午上皇至自蜀戊午上御丹鳳門大赦制曰百姓中孝

弟力田不求聞達者委採訪使聞奏其文經邦國學究天人博於

經史工於詞賦善於著述精於法理軍謀制勝武藝絕倫並任於

所在自舉委郡守銓擇奏聞不限人數

舊書本紀

冊府元龜

唐大詔令集

進士二十二入江淮六人成都府十六人江東七人

冊府元龜云至德元年以

後依前

嚴維

唐才子傳嚴維字正文越州人至德二年江淮選補使侍郎崔渙下以詞藻宏麗進士及第

顧況

唐才子傳顧況字道翁蘇州人至德二年天子幸蜀江東侍郎李希言下進士

戴孚

顧況戴氏廣異記序譙郡

戴君孚幽蹟最深至德初況始與同登一科君自校書終饒州錄事參軍

王察

舊書王徽傳祖察至德二年登進士第

知貢舉

禮部員外郎薛邕

撫言至德二年駕臨岐山右補闕兼禮部員外邕下二十一入按二十一

人即登科記二十二人之異文是二十二入鳳翔所放也

門下侍郎崔渙

舊書本紀京師陷賊車駕倉皇出幸

七月庚午次巴西西郡太守崔渙奉迎即日以渙為門下侍郎同中書門下平章事八月上皇遣韋見素房琯崔渙等奉冊書赴靈武

十一月詔宰相崔渙巡撫江南補授官吏故於江淮知舉也

禮部侍郎裴士淹

見唐語林疑此元宗在蜀

知舉

禮部侍郎李希言

見上蓋江東知舉舊書李紆傳紆禮部侍郎李希言之子是希言為禮部侍郎也

三載戊戌

二月丁未改至德三載爲乾元元年

舊書本紀

今後醫卜入仕者同明法例處分

舊書本紀

四月甲寅郊祀事畢翌日御丹鳳門大赦天下詔曰草澤及卑位

之間有不求聞達未經推薦者有一藝已上恐遺俊乂令兵部吏

部作徵召條目奏聞國子監學生明經明法帖策口試各十並通

四已上進士通三與及第鄉貢明經準常式州縣學生放歸營農

待賊平之後任從常式

舊書本紀冊府元龜唐大詔令集

十月甲辰帝御宣政殿冊成王爲皇太子大赦天下詔曰爲政之

要求賢是急比令中外薦舉多非實才所以詢事考言登科蓋寡
猶慮巖穴之內尚有沈淪宜令所在州縣更加搜擇其懷才抱器
隱遁邱園並以禮徵送如或不赴具以名聞凡與前詔科目相當
一切委內文武五品已上官有所知者不限人數任各薦聞如

自舉者亦聽於所在投狀有堪任用不限常資

冊府元龜
詔令集

唐大
玉堂間

話唐肅宗之代急於賢良下詔搜山林草澤有懷才抱德及匡時
霸國者皆可爵而任之有徵君自靈武衣草衣躡芒屨詣於國門
肅宗聞之喜曰果有賢才應募矣遂召對訪時事得失卒無一辭
但再三瞻望聖顏而奏曰微臣有所見陛下知之乎帝曰不知奏
曰臣見陛下聖顏瘦於在靈武時帝曰宵旰所勞以至於此是侍臣
有匿笑不禁者及退更無他言帝知其妄人也恐閉將來賢路僂
俛除授

邑宰

進士二十三人

蘇端

杜甫集雨迴蘇端錢箋以為至德二載作引下圖曰端時白衣唐科名記端明春始

及第則及第

柳伉

困學記間引登科記伉乾元元年進士按即疏請斬程元振者

當在是年

知貢舉

禮部侍郎裴士淹

見居唐語林

乾元二年

己亥

四月

冊府元龜作三月誤

詔京文武五品已上正員清資官各舉賢良方正

直言極諫一人任自封進

舊書本紀冊府元龜

五月丁亥上御宣政殿試文經邦國等四科舉人

舊書本紀

進士二十五人

玉芝堂談薈作十七人

應制及第

姚南仲

舊書本傳華州下邳人乾元初登制科高等按制科當即文經邦國等四科也

上書拜官一人

沈浩

冊府元龜沈浩隱居四明山肅宗乾元二年進廣孝經十卷授祕書郎集賢殿待詔

仍賜緣袍牙笏

知貢舉

禮部侍郎李揆

宣室志唐丞相李揆乾元初爲中書舍人嘗一日退朝歸見一白狐在庭中擣

練石上命侍童逐之已亡見矣時有客於揆門者因語其事客曰此祥符也某敢賀至明日果遷禮部侍郎舊書李揆傳拜中書舍人兼禮部侍郎揆嘗以主司取士多不考實徒峻其隄防索其書策殊未知藝不至者居文史之圃亦不能摘其詞藻深昧求賢之意也及其試進士文章日於庭中設五經諸史及切韻本於牀而引貢士謂之曰大國選士但務得才經籍在此請恣尋檢由是數日之間美聲上聞未及畢事遷中書侍郎同平章事按本紀三月乙未以禮部侍郎李揆爲中書侍郎

三年

庚子

閏四月乙卯以星文變異上御丹鳳門大赦天下改乾元爲上元

詔曰王者稽古設教擇賢以理廣徵巖穴用副薪樞宜令中外五品已上文武正從員官各舉賢良方正直言極諫各一人武藝文才俱堪濟理者亦任狀舉其或文乏詞策武非騎射但權謀可以集事材力可以臨戎方圓可收亦任通舉並限制到一月內奏畢

舊書本紀 冊府元龜
唐大詔令集

進士二十六人

魏萬

魏顥李翰林集序云顥始名萬次名炎萬之日不遠命駕江東訪白遊天台還廣陵

見之謂余爾後必大著名於天下無忘老夫與明月奴因盡出其文命顥爲集顥今登第豈符言耶解攜明年四海大盜按四海大盜當謂祿山則登第在天寶十三年而唐詩紀事云萬上元初登第當必有據今從之

才兼文武科

王翊

舊書本傳太原晉陽人新書翊字宏肱翊少治兵家天寶中授翊衛尉羽林軍宿衛擢才

兼文武科按是年有制舉武藝文才俱堪濟理則才兼文武科當在是年

知貢舉 中書舍人姚子彥

見唐語林

上元二年

辛丑

九月壬寅去上元號稱元年以十一月為歲首月以斗所建辰為

名

新書本紀

進士二十九人

文苑英華有迎春東郊詩當是此年試題

張濯

唐詩紀事濯上元進士第

王綽

文苑英華

知貢舉 中書舍人姚子彥

見唐語林

張濯迎春東郊詩曰顓頊時初謝句芒令復陳飛灰將應節賓日

已知春考歷明三統迎祥受萬人衣冠宵執玉壇墀曉清塵肅穆
來東道回環拱北辰仗前花待發旂處柳凝新雲斂黃山際水開
素滄濱聖朝多慶賞希爲薦沈淪

文苑
英華

王綽迎春東郊詩曰玉管潛移律東郊始報春鑾輿膺寶運天仗
出佳辰睿澤光時輩恩輝及物新虬螭動旌旆烟景入城闔御柳
初含色龍池漸啟津誰憐在陰者得與蟄蟲伸

文苑
英華

寶應元年

壬寅

建卯月辛亥南郊大赦天下詔曰文武不墜道宏於人務在搜揚
俾其展效其諸道人有詞學高深兼通政理軍謀制勝明習韜

鈴者委所在刺史揀擇奏聞舉薦京官四品已上正員文武官任

各舉一人

冊府元龜
唐大詔令集

建巳月甲寅上皇崩甲子制改元復以建寅爲正月月數皆如其

舊丁卯上崩已巳代宗卽位

通鑑

五月丁酉大赦天下制曰其有明於政理博綜典墳文可經邦謀

能制勝及孝弟力田諸州刺史並宜搜揚間薦投匭者不須勘以

停處姓名務招直言以副朕意

冊府元龜
唐大詔令集

七月詔曰推薦之道必務於至公賞罰之間亦資於不濫其諸色

舉人等須有處分令薦所知實佇才能用施政理自宜慎擇以副

虛懷古者效官三歲考績善惡既著褒貶斯存舉之得人必受旌
能之賞舉之失選亦加懲過之罰賞罰之典期於必行凡百具僚

宜知朕意

唐大詔
令集

停貢舉

唐代宗睿文孝武皇帝

寶應二年

癸卯

五月丙寅尚書省試應制舉人命左右丞侍郎對試賜舉人食如

舊儀

舊書本紀
冊府元龜

六月二十日禮部侍郎楊綰

按楊綰時爲太常少卿言禮部侍郎傳誤

上疏條奏貢舉

之弊曰國之選士必藉賢良蓋取孝友純備言行敦實居常育德動不違仁體忠信之資履謙恭之操藏器則未嘗自伐虛心而所應必誠夫如是故能率己從政化人鎮俗者也自叔葉澆詐茲道浸微爭尚文辭互相矜衒馬卿浮薄竟不周於任用趙壹虛誕終取擯於鄉閭自時厥後其道彌盛不思實行皆徇空名敗俗傷教備載前史古人比文章於鄭衛蓋有由也近煬帝始置進士之科當時猶試策而已至高朝劉思立爲考功員外郎又奏進士加雜文明經加帖經從此積弊寢轉成俗幼能就學皆誦當代之詩長而傳文不越諸家之集遞相黨與用致虛聲六經則未嘗開卷三

史則皆同挂壁况復徵以孔門之道責其君子之儒者哉祖習旣
深奔競爲務矜藝者曾無愧色勇進者但欲凌人以毀譴爲常談
以向背爲己任投刺干謁驅馳於要津露才揚己喧騰於當代古
之賢良方正豈有如此者乎朝之公卿以此待士家之長老以此
垂訓欲其返淳樸懷禮讓守忠信識廉隅何可得也譬之於水其
流已濁若不澄本何當復清方今聖德御天再寧寰宇四海之內
喁喁向化皆延頸舉踵思聖朝之理也不以此時而理之則太平
之政又乖矣凡國之大柄莫先擇士自古哲后皆側席待賢今之
取人令投牒自應非經國之體也望請依古制縣令察孝廉審知